

Ugovor

o pružanju usluga posredovanja u prodaji avionskih karti

I UGOVORNE STRANE

Arhitektonski fakultet u Sarajevu

Sjedište: Patriotske lige 30, 71000 Sarajevo
Kojeg zastupa dekan prof.mr. Mevludin Zečević
(u daljem tekstu: Naručilac)

i

Centrotrans eurolines dd Sarajevo

Sjedište: Kurta Schorka 14, Sarajevo
Kojeg zastupa direktor mr.sc. Safudin Čengić
Identifikacijski broj: 4200153220003
Identifikacijski broj obveznika PDV-a: 200153220003
Transakcijski broj banke, ime i sjedište banke: 3383202251241969 Unicredit banka,
Sarajevo (u daljem tekstu: Izvršilac)

II PREDMET UGOVORA

Član 1.

Predmet ovog ugovora je sukcesivno pružanje usluga posredovanja u prodaji avionskih karti za potrebe Naručioaca, na osnovu Okvirnog sporazuma broj: 05-41/54-17 zaključenog između Naručioaca i Izvršioaca dana 18.05. 2017. godine, koji su u prilogu ovog ugovora i čine njegov sastavni dio.

Član 2.

Izvršilac se obavezuje:

- da osigura informacije o redu letenja i cijenama, ponudi najbolje veze i najbrže dalje konekcije putovanja, te da sve tražene informacije ugovornom organu obezbjedi usmenim i pismenim putem. (po potrebi i izvan radnog vremena i vikendom);
- avionske karte isporučiti najkasnije u roku tri dana prije početka putovanja;
- dostavljati avionske karte na adresu ugovornog organa, Patriotske lige broj 30, 71000 Sarajevo, u toku radnog vremena od 08 – 15 časova, osim u slučaju izdavanja PTA karti (po potrebi i izvan radnog vremena i vikendom) i/ili putem e mail-a na adresu ugovornog organa;
- dostaviti najmanje tri opcije za traženu destinaciju od najmanje tri različita avio-putovnika. U suprotnom ugovorni organ zadržava pravo da raskine okvirni sporazum. Ukoliko ugovorni organ sam nađe jeftiniju ponudu od ponuđenih opcija za nabavku avionskih karta, zadržava pravo da od dobavljača zahtjeva izdavanje iste;
- osigura alternativne rute u okviru opisa putovanja, te ukazati na sve moguće posljedice u slučaju otkazivanja, propuštanja kao i izmjene leta. U slučaju da ugovorni organ otkaže rezervaciju 72 sata prije vremena leta, dobavljač sa kojim bude zaključen okvirni sporazum neće zaračunati nikakve troškove ugovornom organu vezano za pravovremeno otkazan let;
- osigurati informacije o redu letenja i cijenama, ponudi najbolje veze i najbrže dalje konekcije putovanja, te da će sve tražene informacije obezbjediti usmenim i pismenim putem.

Član 3.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se:

- za Izvršioca: Čengiđ Mevludin,
- za Naruđioca: Nermina Crnčalo.

III CIJENA I NAČIN PLAĆANJA

Član 4.

(1) Ugovor se zaključuje sa procijenjenom vrijednosti u iznosu do 2.000,00 KM (dvijehiljade i 00/100 konvertibilnihmaraka) bez uključenog PDV-a, odnosno 2.340,00 KM (dvijehiljadetrístotinečetrideset i 00/100 konvertibilnihmaraka) sa uključenim PDV-om.

(2) Usluge iz člana 1. ovog ugovora će se plaćati prema utvrđenim pojedinačnim cijenama provizije u iznosu od 16,95 KM po nabavljenoj karti bez PDV-a, koje se neće mijenjati tokom trajanja ugovornog perioda.

(3) Cijena avionske karte se sastoji od cijene karte utvrđene od strane izabranog avio-prevoznika i agencijske provizije iz Ponude Izvršioca broj 1/6157/17 od 10.05.2017. godine.

Član 5.

(1) Plaćanje Izvršiocu će se vršiti u roku od 15 dana od dana prijema fakture. Faktura, sa bankovnim podacima računa dobavljača se ispostavlja po izvršenju konkretne ugovorene usluge.

(2) Izvršilac će fakture ispostavljati po izvršenju pojedinačnih usluga.

IV STUPANJE NA SNAGU I RJEŠAVANJE SPOROVA

Član 6.

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana, a zaključuje se na period od šest mjeseci, odnosno do potpunog utroška iz sredstava iz člana 4. stav (1) ovog ugovora ili dok neutrošena ugovorena sredstva ne budu dostatna za potrebe Naruđioca

(2) Ukoliko Izvršilac ne bude u roku i na ugovoren način izvršio sve ugovorene obaveze, dužan je za svaki propust i/ili svaki započeti dan kašnjenja u izvršenju ugovora isplatiti Naruđiocu iznos od 20,00 KM, a najviše do 10% od ukupno ugovorenog iznosa.

Član 7.

Svaka od ugovornih strana može pokrenuti postupak raskida ugovora ako druga strana ne izvršava preuzete ugovorene obaveze, uz otkazni rok od 15 dana.

Član 8.

Eventualno nastale sporove pri realizaciji ovog ugovora ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 9.

Izvršilac nema pravo da zapošljava, u svrhu izvršenja ovog ugovora, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 10.

Za sve što nije regulisano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.


Član 11.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.


Za Izvršioca


Direktor mr.sc. Safudin Cengić

Datum: 19.05. 2017. godine

Broj: 1/6712/17

Za Naručioca


Dekan Arhitektonskog fakulteta u Sarajevu
Prof. mr. Mevludin Zečević

Datum: 19.05. 2017. godine

Broj: 05-41/56-17